

2019/SUBCC/000013

## BASES DA CONVOCATORIA DOS PREMIOS ERNESTINA OTERO SESTELO PARA A INCORPORACIÓN DA PERSPECTIVA DE XÉNERO NOS CENTROS EDUCATIVOS DO CONCELLO DE PONTEVEDRA NO ANO 2019

### Primeiro.- Obxecto:

A presente convocatoria ten por obxecto a concesión, en réxime de concorrencia competitiva, dos premios Ernestina Otero Sestelo no ensino non universitario correspondentes ao ano 2019 nas categorías que se relacionan no apartado seguinte.

Ditos premios están orientados a recoñecer e valorar aqueles proxectos educativos innovadores e relevantes en canto á incorporación da perspectiva de xénero, e que supoñan un exemplo de boas prácticas e modelo para futuras iniciativas educativas en materia de igualdade de oportunidades.

Establécense dúas categorías de participación, en función do tipo de centro:

- **Categoría A:** Escolas de educación infantil, colexios rurais agrupados, centros de educación especial, colexios de educación infantil e primaria, colexios de educación primaria e centros públicos integrados que presenten proxectos implementados en educación infantil e/ou primaria.
- **Categoría B:** Centros públicos integrados que presenten proxectos implementados en educación secundaria, institutos de educación secundaria, centros integrados de formación profesional e centros de educación e promoción de poboación adulta.

### Segundo.- Beneficiarios:

Centros docentes de educación infantil, primaria, secundaria e postobrigatoria non universitaria do Concello de Pontevedra que realizasen proxectos e actividades incorporando a perspectiva de xénero no curso académico 2018/2019.

É preciso que os proxectos fosen executados na súa totalidade na data de presentación da solicitude.

### Terceiro.- Importe dos premios e dotación orzamentaria:

Concederanse dous premios para cada categoría, cos importes que figuran na seguinte táboa:



Categoría	Premio	Importe
A	1º premio	900 €
	2º premio	500 €
B	1º premio	900 €
	2º premio	500 €
<b>TOTAL</b>		<b>2.800 €</b>

O xurado poderá conceder accésits a aqueles centros non premiados que presentasen unha boa práctica educativa digna de mención.

O xurado tamén se reserva a posibilidade de propoñer a concesión de premios “ex aequo” para cada modalidade, en cuxo caso, o importe do premio repartirse en partes iguais.

Os premios poderán ser declarados desertos no caso de non atoparse a calidade suficiente para outorgalos.

Con carácter excepcional, e por acordo motivado, o Xurado poderá acordar a redistribución da contía de premios declarados desertos entre o resto de centros premiados.

Este premio é compatible coa concesión de calquera outro do que sexa beneficiario o centro polo mesmo proxecto.

O importe de cada premio deberá destinarse ao fomento e desenvolvemento de proxectos ou actividades relacionadas coa igualdade de oportunidades de mulleres e homes no curso seguinte á concesión deste.

Para a concesión dos premios desta convocatoria, destinaranse os créditos globais de 2.800€ con cargo a aplicación orzamentaria: 12-2310-48100.

#### **Cuarto.- Prazo de presentación dos traballos.**

As actividades e/ou proxectos presentados deben terse realizado ao longo do curso 2018/2019 incorporando a perspectiva de xénero de xeito innovador e relevante.

Cada centro poderá presentar dúas (2) solicitudes de participación nestes premios por cadanxeu proxecto/actividade.

Para participar nesta convocatoria será necesaria a presentación da seguinte documentación:

SERVIZO DE BENESTAR SOCIAL

- Solicitud que acompaña a esta convocatoria (Anexo I).
- Memoria do proxecto/actividade conforme ao Modelo que aparece no Anexo II desta convocatoria, debendo estar cumprimentados todos os apartados.
- Certificación asinada pola dirección do centro de que contan con autorización para o uso das imaxes do alumnado menor de idade participante no proxecto, se as houbera.
- Compromiso asinado pola dirección do centro de destinar o premio ao fomento e desenvolvemento de proxectos ou actividades educativas relacionadas coa igualdade de oportunidades de mulleres e homes no curso seguinte á concesión deste.
- Certificación bancaria do número de conta do centro educativo no que ingresar o importe do premio, de ser o caso.
- Poderá xuntarse calquera outra documentación que se estime axeitada para unha mellor comprensión do proxecto.

A documentación presentarase en galego e deberá empregar unha linguaxe inclusiva.

Acordo co establecido no artigo 14.2) da Lei 39/2015, de 1 de outubro, de procedemento administrativo común das administracións públicas, a presentación das solicitudes para os presentes premios farase exclusivamente por medios electrónicos a través da Sede Electrónica do Concello de Pontevedra, debendo proceder á súa sinatura a través dos mecanismos admitidos na seguinte URL (<http://sede.pontevedra.gal/>).

Ademais, deberase adiantar a través do correo electrónico copia da solicitud e memoria en formato pdf ao endereço de correo electrónico seguinte: [igualdade@sede.pontevedra.gal](mailto:igualdade@sede.pontevedra.gal).

O prazo de presentación de solicitudes estará aberto desde a apertura do prazo e **ata o 19 de xullo de 2019.**

Se a documentación aportada estivese incompleta ou presentara erros subsanables, o servizo de Igualdade do concello requirirá para que no prazo de dez (10) días hábiles a emenda de erros coa advertencia de que de non facelo terase por desistida a solicitud.

**Quinto.- Criterios de valoración para o outorgamento dos premios.**

A valoración realizarase únicamente a través da memoria presentada a esta convocatoria. Valoraranse todos aqueles aspectos que describan accións concretas, metodoloxías aplicadas e logros acadados.

Os criterios de valoración para a concesión dos premios serán os seguintes:

1. Calidade do contenido, lingüística e técnica da memoria (ata 10 puntos).



SERVIZO DE BENESTAR SOCIAL

2. Integración da perspectiva de xénero e do principio de igualdade de oportunidades como prioridade no desenvolvimento do Proxecto Educativo de Centro (ata 10 puntos).
3. Coherencia cos principios do Plan de Igualdade Municipal do Concello de Pontevedra (ata 10 puntos).
4. Nivel de implicación da comunidade educativa: profesorado, alumnado, familias e outros colectivos (ata 10 puntos).
5. Visibilidade do proxecto na comunidade educativa e entorno (ata 10 puntos).
6. Nivel de logro acadado no desenvolvimento do proxecto (ata 10 puntos).
7. Innovación educativa da metodoloxía empregada e dos produtos finais (ata 10 puntos).
8. Sustentabilidade temporal e capacidade de replicabilidade noutros centros (ata 10 puntos).

**Sexto.- Composición do xurado cualificador.**

A composición do xurado que levará a cabo a cualificación dos traballos presentados estará composta por:

- Directora do CIM do Concello de Pontevedra ou persoa en que delegue.
- 4 representantes do Concello de Pontevedra.
- 4 representantes do ámbito educativo.

O xurado poderá contar con asesoramento e solicitar canta información complementaria considere oportuna antes da resolución.

O veredicto do xurado será inapelable e comunicarase sete días antes da entrega dos premios, dándolle a axeitada publicidade na páxina web do Concello <http://www.pontevedra.gal>

A entrega dos premios farase en acto público, debidamente anunciado.

**Sétimo.- Publicidade e difusión dos premios.**

Os proxectos premiados poderán ser publicados ou divulgados polo Concello de Pontevedra.

A presentación a esta convocatoria supón a autorización para a súa divulgación, agás que os centros interesados, manifesten o contrario.

**Oitavo.- Retirada da documentación.**



## SERVIZO DE BENESTAR SOCIAL

A documentación complementaria presentada relativa a proxectos que non resulten premiados poderá ser retirada no prazo de tres meses a partir da data de resolución dos premios mediante solicitude presentada no Rexistro Municipal.

A partires de dito prazo, a documentación non retirada, será destruída.

### **Noveno.- Información sobre a convocatoria.**

Calquera dúbida sobre o contido desta convocatoria será atendida polo Servizo de Benestar Social (tlf: 986 864 825; e-mail: [igualdade@pontevedra.eu](mailto:igualdade@pontevedra.eu)).

### **Décimo.- Protección dos datos de carácter persoal.**

De conformidade coa Lei Orgánica 3/2018, do 5 de decembro, de protección de datos persoais e garantía dos dereitos dixitais os datos persoais recollidos na tramitación desta convocatoria serán incluídos nun ficheiro responsabilidade do Concello, cuxo obxecto é xestionar este procedemento así como informar ás persoas interesadas sobre o seu desenvolvemento.

Os dereitos de acceso, rectificación, limitación do tratamento, supresión, portabilidade e oposición ao tratamiento así como o seu consentimento, poderán exercerse mediante o envío dunha comunicación a Concello de Pontevedra, con CIF: P3603800H e enderezo en rúa Michelena, 30, 36071 Pontevedra ou ao seguinte enderezo electrónico: [sede@pontevedra.eu](mailto:sede@pontevedra.eu).

Tamén poderá dirixirse á Autoridade de Control competente para presentar a reclamación que considere oportuna.

A Concelleira Delegada da Área de Educación, Igualdade e Programación e Xestión das Infraestruturas Culturais do Concello de Pontevedra.





SERVIZO DE BENESTAR SOCIAL

**ANEXO I: SOLICITUDE DE PARTICIPACIÓN NOS PREMIOS ERNESTINA OTERO SESTEO**

<b>DATOS DA ENTIDADE SOLICITANTE:</b>	
CENTRO EDUCATIVO:	
CIF:	
ENDEREZO:	CÓDIGO POSTAL:
PARROQUIA:	CONCELLO:
ENDEREZO ELECTRÓNICO:	TELÉFONO:

E, na súa representación

NOME E APELIDOS:	NIF
EN CALIDADE DE:	
<b>ENDEREZO A EFECTOS DE NOTIFICACIÓN</b> (non é necesario se coincide co anterior)	
ENDEREZO:	CÓDIGO POSTAL:
PARROQUIA:	CONCELLO:
CORREO ELECTRÓNICO:	TELÉFONO:

**DOCUMENTACIÓN COMPLEMENTARIA QUE SE PRESENTA (MARCAR CUN X)**

<input type="checkbox"/> Certificación da autorización para o uso de imaxes de menores participantes
<input type="checkbox"/> Compromiso de destinar o premio a actividades educativas relacionadas coa igualdade de oportunidades
<input type="checkbox"/> Certificación bancaria do número de conta
<input type="checkbox"/> Memoria descriptiva
<input type="checkbox"/> Documentación complementaria

De conformidade coa Lei Orgánica 3/2018, do 5 de decembro, de protección de datos de carácter persoal, infórmaselle de que os datos persoais recollidos na tramitación desta convocatoria serán incluídos nun ficheiro responsabilidade do Concello, cuxo obxecto é xestionar este procedemento así como informar ás persoas interesadas sobre o seu desenvolvemento. Os dereitos de acceso, rectificación, limitación de tratamento, supresión, portabilidade e oposición ao tratamento dos seus datos de carácter persoal así como o consentimento prestado para o tratamiento dos mesmos poderanse exercer mediante o envío dunha comunicación ao seguinte enderezo: Concello de Pontevedra, rúa Michelena, 30, 36071 Pontevedra, ou a través do correo electrónico [sede@pontevedra.eu](mailto:sede@pontevedra.eu).

, de 2019

SINATURA

CONCELLEIRA DE EDUCACIÓN, IGUALDADE E XESTIÓN E PROGRAMACIÓN DAS INFRAESTRUTURAS CULTURAIS.



CONCELLO DE  
PONTEVEDRA

SERVIZO DE BENESTAR SOCIAL

**ANEXO II-MEMORIA DESCRIPTIVA**

<b>CENTRO:</b>	<b>CIF:</b>
----------------	-------------

<b>NOME PROXECTO/ACTIVIDADE:</b>

<b>TRAXECTORIA DO CENTRO</b> ( <i>Historia, entorno social, número de grupos e alumnado, persoal, plans e proxectos significativos levados a cabo nos últimos anos</i> ). Máximo 3000 caracteres.

<b>XUSTIFICACIÓN DA ACTUACIÓN E OBXECTIVOS.</b> Máximo 2000 caracteres.





CONCELLO DE  
PONTEVEDRA

SERVIZO DE BENESTAR SOCIAL

**ACCIÓN, PROCEDIMENTOS E RECURSOS POSTOS EN PRÁCTICA.** Máximo 3000 caracteres.

**METODOLOGÍA EMPREGADA.** Máximo 2000 caracteres.





CONCELLO DE  
PONTEVEDRA

SERVIZO DE BENESTAR SOCIAL

**TEMPORALIZACIÓN DA ACTUACIÓN.** Máximo 2000 caracteres.

**IMPLICACIÓN DA COMUNIDADE EDUCATIVA E DO ENTORNO NAS ACTUACIÓNS REALIZADAS.** Máximo 2000 caracteres.





CONCELLO DE  
PONTEVEDRA

SERVIZO DE BENESTAR SOCIAL

**INDICADORES DE DIFUSIÓN DA EXPERIENCIA** (*Visibilidade do proxecto, repercusión nos medios de comunicación, redes sociais...*). Máximo 2000 caracteres.

**VALORACIÓN DE LOGROS ACADADOS.** Máximo 2000 caracteres.





CONCELLO DE  
PONTEVEDRA

SERVIZO DE BENESTAR SOCIAL

**PREVISIÓN DE ACTUACIÓNES FUTURAS COMO CONSECUENCIA DO TRABALLO REALIZADO.** Máximo 2000 caracteres.

**RELACIÓN DA DOCUMENTACIÓN COMPLEMENTARIA QUE SE PRESENTA, se a houber**

, de de 2019

SINATURA

CONCELLEIRA DE EDUCACIÓN, IGUALDADE E XESTIÓN E PROGRAMACIÓN DAS INFRAESTRUTURAS CULTURAIS.



Este documento foi asinado electrónicamente no Concello de Pontevedra. Pode comprobar a súa autenticidade en: <https://sede.pontevedra.gal> introducindo o seguinte código seguro de verificación: 5X1SEVWNNA3BTF3JL